



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE
Komisija za odlikovanja i druga javna priznanja

Datum: 30.11.2015.godine

OPĆINSKO VIJEĆE TEŠANJ

PREDMET: Dopuna obrazloženja Odluke o dodjeli priznanja Općine Tešanj za 2015. godinu sa podacima o predloženim kandidatima.

A.	Ime i prezime	Fuad Šišić
B.	Osnovni biografski podaci	Fuad Šišić je rođen 20.06.1960 godine u Raduši. Osnovnu školu i Gimnaziju završio je u Tešnju, a mašinski fakultet u Sarajevu. Tokom radnog angažmana prošao je različite formalne i neformalne oblike usavršavanja i obrazovanja u menadžmentu, marketingu. Fuad je autor knjiga: Početnica na računarima (1999.), Reinženjering poslovnih procesa (2001.), Rukovođenje (2003.), Menadžerske vještine (2005.), Nije kriv (2007.), Menadžerske i rukovodne vještine (2011.). Oženjen je i otac tri kćerke. Živi u Raduši.
C.	Radni i životni angažman	Nakon završetka studija zaposlen u 1984. godine na poslovima samostalnog tehnologa te izvršnog direktora kontrole kvaliteta (1991-1992). U vrijeme agresije od 1992 do 1994 godine bio pripadnik Armije Republike Bosne i Hercegovine, između ostalog obavljajući dužnosti od predsjednika Kriznog štaba MZ Raduša i vojnika do pomoćnika komandanta za moral 202. Viteške „Garave“ brigade. Od 1994. godine Odlukom Ratnog predsjedništva preuzima dužnost Općinskog Načelnika, a kasnije i Prelaznog Općinskog načelnika. Nakon prvih poslijeratnih lokalnih izbora 1997. godine ponovo je biran za Općinskog načelnika i tu dužnost obavlja do 2000. godine. Od 2000. godine do 2008. godine zaposlen u kompaniji Mann Hummela BA na poslovima razvoja, kasnije kao direktor prodaje i marketinga. Na lokalnim izborima 2008. godine biva izabran za Općinskog načelnika i ovu dužnost obavlja do 2012. godine. Od 2013. godine radi na poslovima direktora marketinga i prodaje u kompaniji Mann Hummel i pri tome obavlja dužnost Predsjedavajućeg, a kasnije vijećnika u Općinskom vijeću Tešanj.
D.	Društveni angažman	Osim radnog i profesionalnog angažmana Fuad Šišić intenzivno je bio uključen i davao doprinos na drugim područjima društvenog angažmana. Od 2002. do 2006. godine obavljao je dužnost Sabornika IZ BiH, bio je član IO Medžlisa IZ Tešanj 2006-2008. godine, jedan je od osnivača i aktivista NHU Oslonac i pokretača formiranja Kluba prijatelja Srebrenice. Kao sudionik u mnogim društvenim akcijama bio je predsjednik građevinskog odbora za izgradnju džamije „Kutahya“, dogradnju džamije u Raduši itd.
E.	Razlozi za dodjelu priznanja	Obavljajući dužnost Općinskog načelnika u različitim periodima (1994-1997; 1997-2000; 2008-2012), te dužnosti vijećnika i Predsjedavajućeg Općinskog vijeća (2000-2004; 2004-2008; 2012-), zastupnika u Skupštini ZDK (2002-2004) Fuad je dao poseban doprinos ukupnom razvoju općine Tešanj, na infrastrukturnom, ekonomskom, institucionalnom i mnogim drugim područjima. Kao aktivan sudionik u

	<p>odbrani, obnovi i razvoju lokalne zajednice bio je inicijator ili donosilac, te vrlo često i izvršilac (kroz dužnosti koje je obavljao) javnih politika i odluka koje su značile razvoj zajednice, prevazilaženje postojećih problema, organizaciju i pripremu općine za budući razvoj. Fuad je inicijator je i aktivan sudionik izrade i realizacije nekoliko strateških planova općine Tešanj i vrlo značajnih projekata za budućnost općine Tešanj. Osim toga Fuadov društveni i lični angažman značajno je pomagao razvoj zajednice i odnosa unutar iste.</p> <p>Današnji stepen razvoja općine Tešanj umnogome je obilježen onim što je Fuad Šišić u različitim područjima života i rada u godinama koje su iza nas. Vjerujemo da će se taj doprinos nastaviti ali smatramo da je potrebno prepoznati i ukazati na dosadašnji rad, zahvaliti se na istom i afirmisati vrijednosti koje on simbolizira, istovremeno se nadajući njegovom nastavku u budućnosti i da će to biti pozitivan primjer mnogim drugim građanima općine Tešanj.</p>
--	---

A.	Ime i prezime	Omer Pobrić
B.	Osnovni biografski podaci	<p>Omer Pobrić se rodio u Tešnju 08.08.1945. godine. Rano djetinjstvo je proveo u svom rodnom mjestu gdje je završio i osnovnu školu. Srednju školu je završio na Ilidži, a u Sarajevu je također apsolvirao i Prirodno-matematički fakultet - Odsjek za biologiju i hemiju. Prirodno-matematički fakultet Univerziteta u Sarajevu je 2004. godine Omeru Pobriću prirodoslovcu, velikom umjetniku, entuzijasti, domoljubu i humanisti, za izuzetan doprinos razvoju i afirmaciji kulturnih, obrazovnih i pedagoških vrijednosti, dodijelio Počasnu diplomu.</p> <p>Omer Pobrić je na bolji svijet preselio u srijedu, 20.01.2010. godine.</p>
C.	Radni i životni angažman	<p>Profesionalni angažman Omera Pobrića u muzici počeo je još dok je bio u srednjoj školi. Počeo je kao pjevač a 1968. godine se pridružio orkestru Ismeta Alajbegovića - Šerbe, s kojim je učestvovao na Festivalu Ilidža.</p> <p>Njegova estradna karijera počela je 1967. godine tokom koje je, pored samostalnih izvedbi, sudjelovao i u aranžmanskome radu sa mnogim drugim eminentnim ličnostima sevdaha kao što su: Safet Isović, Himzo Polovina, Meho Puzić, Zehra Deović, Zaim Imamović, Hanka Paldum i mnogi drugi. Tokom svoje bogate karijere osvojio je mnogo nagrada od kojih je najznačajnija ona iz 1977. godine kada je postao prvi osvajač „Estradne nagrade Jugoslavije“. Značajnija djela i projekti koji su obilježila Omerovu životnu karijeru su:</p> <ul style="list-style-type: none"> • 1992. godine - „99 sevdalinki“ • 1994. godine - Prvi festival narodne muzike "Lukavac '94" • 1995. godine - „Bošnjačka kola“ • 1996. godine - „Sevdah nadahnut životom, slobodom“ • 1997. godine - „Bosna je u meni“ - patriotske pjesme i proza • 1998. godine - „Bosanski mevlud Omera Pobrića“ • 2000. godine - "Bajram i ramazan u pjesmi" • 2003. godine - „Miruh bosne“ - 125 odsviranih i zapisanih aranžmanski bosanskih sevdalinki. • 14.02.2003. osnovao „Institut sevdaha - Fondaciju Omera Pobrića“. • 2003. godine - „Saz u bosni“ - autor Šukrija Trako, izdavač Institut sevdaha. Prva knjiga u povijesti BiH o sazu, sa deset CD-ova najboljih sazlija i DVD-ijem takuma sazlija poslije 73 godine u Bosni. • 2004. godine - „Banjalučki sevdah u vremenu“ • 2004. godine - Prvi festival sevdalinke BiH

		<ul style="list-style-type: none"> • 2005. godine - „Antifašizam na bedemima BiH" - prvi puta ujedinjene antifašističke pjesme iz dva oslobodilačka rata 1941-1945. i 1992-1995. godine. • 2005. godine - Drugi festival sevdalinke BiH • 2006. godine - „Sevdah i sevdalinka na devet svjetskih jezika" - priredili Omer Pobrić i dr. Semir Vranić • 2006. godine - Intelektualci i sevdalinka • 2006. godine - Treći festival sevdalinke BiH • 2007. godine - „Otkriveno blago" - pjesme vraćene narodu bosanskom. • 2007. godine - Četvrti festival sevdalinke BiH
D.	Društveni angažman	Omer Pobrić je čitav svoj život uložio u očuvanje i promociju sevdalinke kao nacionalnog blaga. U odsustvu dovoljne sistematske brige institucija za muzičku tradiciju i nasljeđe, kroz osnivanje instituta sevdaha, bilježenje tekstova, komponiranje i otkrivanje mladih izvođača sevdalinke na sebe preuzeo ogroman teret onoga što u drugim sredinama predano rade institucije i na taj način pokušao dijelom ispraviti nepravdu i umanjiti posljedice nebrige i odsustva svijesti o očuvanju naše najpoznatije narodne pjesme.
E.	Razlozi za dodjelu priznanja	<p>Kao kulturni radnik i zaljubljenik u muziku Omer Pobrić je dao vrlo značajan doprinos u promoviranju autentičnog bosanskohercegovačkog muzičkog izraza. Istraživao je, zapisivao, govorio i svirao sevdah i starogradsku muziku, promovirajući kulturne vrijednosti Bosne i Hercegovine. Sav taj rad zapravo je doprinosa odbrani kulturnih vrijednosti nad najezdom turbofolka i svega što on nosi sa sobom.</p> <p>Omer Pobrić je svojim radom svjedočio da se Bosna i Hercegovina i njeni građani mogu čuvati i voljeti i pjesmom.</p> <p>U svom radu Omer Pobrić je vrlo često i rado isticao svoje tešanjsko porijeklo i stalnu vezu sa Tešnjom. Zapravo, isticao je da je ljubav prema muzici i ponio iz svog rodnog Tešnja, o kojem je pjevao i u koji se vrlo rado i često vraćao. Smatramo da je svojim radom i istrajnošću u očuvanju identiteta cijele zajednice, neprekinutom vezom sa Tešnjom i tešnjacima ostavio neizbrisivi i vrlo važan trag o svima nama.</p>

A.	Ime i prezime	Mustafa Cerovac
B.	Osnovni biografski podaci	Rođen: 29.07.1954.godine u Trepču, Opština Tešanj. Po nacionalnosti Bošnjak. Dio osnovne škole završio u Trepču a ostala u Tešnju. Završio gimnaziju u Tešnju. Pravni fakultet završio 1977.godine u Sarajevu. Oženjen. Otac dva sina.
C.	Radni i životni angažman	<p>Zaposlen od 18.07.1977.godine u "Energoinvest" Enker Tešanj do 31.05.1997.godine na poslovima: pravnog referenta, šefa pravne službe, zamjenika direktora radne zajednice, pomoćnika direktora preduzeća.</p> <p>Skupština Opštine Tešanj - predsjednik IO SO Tešanj u period (1982. – 1984.godina)</p> <p>Komerc banka dd Tešanj - zamjenik generalnog direktora (1997.-1998.godina)</p> <p>Advokat od 1998.godine i danas</p> <p><u>Dužnosti u Armiji BiH:</u></p> <ul style="list-style-type: none"> - pripadnik Armije BiH od 13.04.1992.godine, - pomoćnik načelnika štaba, za operativno nastavne poslove Opštinskog štaba TO Tešanj, od 13.4.1992. do 16.6.1992. godine, - komadant 1. Tešanjске "Garave brigade" kasnije 202. odnosno 372. Vbbr, od 17.6.1992. do 7.3.1993.godine,

		- komadant OG-7 "JUG" – 8.3.1993. do 25.2.1995. godine - načelnik roda pješadije i zamjenik načelnika Uprave rodova u Generalštabu Armije BiH, od 26.2.1995. do 30.6.1996.godine Dana 30.06.1996.god.demobilisan na lični zahtjev u činu pukovnika
D.	Društveni angažman	Mustafa Cerovac kao aktivista i učesnik u različitim događajima i periodima u prošlosti za svoj rad dobio je određena priznanja - Devetoseptembarska povelja Opštine Tešanj, - Plaketa "ENKER" Tešanj. - pismene pohvale Opštinskog štaba Tešanj, Okružnog štaba Doboj, 2. Korpusa, - pištolj sa posvetom komadanta GŠ AR BiH (Naredba broj: 05-1/31-51 od 15.04.1994.godine) - plaketa 3.Korpusa (Naredba broj: 05/4-207 od 30.01.1995.godine). Mustafa je obavljao dužnosti vijećnika u Općinskom vijeću Tešanj u periodu od 2000. do 2004. godine.
E.	Razlozi za dodjelu priznanja	Mustafa Cerovac svojim je radom i angažmanom dao vrlo značajan doprinos organizaciji otpora i odbrani prostora općine Tešanj tokom agresije 1992-1995. godine. Osim toga, Mustafa je 80-tih godina bio društveni aktivista, inicijator i nosilac realizacije mnogih društvenih projekata

A.	Ime i prezime	Šemsudin Mehmedović
B.	Osnovni biografski podaci	Rođen 20.01.1961.godine u Lepenici kod Tešnja. Osnovu i srednju školu završio u Tešnju. Završio studij mašinstva i stekao zvanje diplomirani inženjer mašinstva, a nakon toga postdiplomski studij u vremenu od 1984 do 1986 godine. Aktivan je u javnom životu pišući tekstove, pogovore, kao promotor različitih djela i izvan političkog djelovanja. Oženjen je i živi u Lepenici.
C.	Radni i životni angažman	Nakon završetka studija zaposlen u 1983. godine na poslovima samostalnog tehnologa te samostalnog konstruktora u Unico Filteri Tešanj. Na prvim višestranačkim izborima u BiH 1991. godine izabran je za vijećnika u Općinskom vijeću Tešanj. Od 1991. godine preuzima dužnosti Načelnika policije SJB i CSB Doboj (1991-1996), obavljajući ove dužnosti u ratnom periodu. Jedan je od organizatora otpora, Patriotske lige, formiranja i preuzimanja OŠ TO Tešanj kao i Okružnog Štaba TO Doboj. Osim dužnosti Načelnika policije u ratnom periodu bio je član Ratnog Predsjedništva Općine Tešanj. Nakon agresije u dva mandata obavlja dužnosti ministra u Vladi ZDK, najprije kao Ministar u Ministarstvu unutrašnjih poslova (1996-1998), a kasnije kao Ministar prometa i komunikacija ZDK (1998-2000). Šemsudin je u nekoliko navrata biran u Parlament Federacije BiH gdje obavlja dužnosti zastupnika od 1996. do 2006. godine, a nakon toga u Parlamentarnu skupštinu BiH gdje obavlja dužnosti zastupnika od 2006. do 2015. godine. Tokom rada u Parlamentu FBiH i BiH bio je predsjednik ili član različitih parlamentarnih komisija i delegacija dajući svoj doprinos ukupnom radu ovih institucija.
D.	Društveni angažman	Osim radnog i profesionalnog angažmana Šemsudin Mehmedović intenzivno je bio uključen i davao doprinos na drugim područjima društvenog angažmana. Od 1989. do 2001. godine bio je član IO Medžlisa IZ Tešanj. Bio je sabornik IZ BiH 1998-2002. godine. Jedan je od aktivista NHU Oslonac, te aktivista i podrška brojnim nevladinim organizacijama. Kao sudionik u mnogim društvenim akcijama bio je

		Predsjednik i član IO Ragby saveza BiH, član ekspertnog tima KBSA za istraživanje ratnih zločina. Za svoj angažman dobio je različita priznanja: Plaketa Instituta sevdaha, Plakate Lovačkog saveza, Medalja za hrabrost, Zlatna policijska značka...
E.	Razlozi za dodjelu priznanja	Šemsudin Mehmedović je svojim radom i angažmanom dao vrlo značajan doprinos organizaciji otpora i odbrani prostora općine Tešanj tokom agresije 1992-1995. godine. Policija, je bila jedan od stubova te odbrane (uz Armiju BiH, namjensku industriju, zdravstvene i druge institucije). Nakon agresije, Šemsudin se vrlo aktivno uključio u obnovu i izgradnju općine Tešanj, pružajući podršku i pomoć tim aktivnostima sa različitih pozicija i na različite načine. Jasan i britak u političkim i ljudskim stavovima, doprinio je formiranju i provođenju značajnih javnih politika na lokalnom i širem planu (višim nivoima vlasti) time pomažući ukupan razvoj općine Tešanj.

A.	Ime i prezime	Muhamed Članjak
B.	Osnovni biografski podaci	Rođen 27.6.1931.godine u Raduši, Općina Tešanj Osnovnu školu završio u Tešnju, a potom Gazi Ferhad begovu medresu, gdje je stekao i zvanje hafiza. Nakon toga završio je i medicinsku školu, a potom i studij medicine u Sarajevu 1961.godine. Specijalizaciju interne medicine završio je 1965.godine, a zvanje primarijus doktor stiče 1996.godine. Preselio na bolji svijet 05.12.2005.godine a ukopan u mezaristanu Donlagička u Tešnju.
C.	Radni i životni angažman	U Tešnju obavlja dužnost doktora interne medicine do 1986. godine, kada odlazi na privremeni rad u Libiju gdje ostaje sve do 1991.godine. Obnašao je funkciju direktora Doma zdravlja Tešanj od 1991.godine. Nakon prvih višestranačkih izbora izabran je za Načelnika Općine Tešanj. U toku agresije na BiH, do 1994. godine, bio predsjednik Ratnog predsjedništva Općine Tešanj. Muhamed je pružao značajan doprinos razvoju i unapređenju primarne zdravstvene zaštite kroz mrežu područnih ambulanti u svim većim mjesnim sredinama, koje su u to vrijeme bile zavidno opremljen i osposobljene za pružanje preventivne medicinske zaštite. Od 2004. do 2008. godine obavljao je dužnost vijećnika u Općinskom vijeću Tešanj.
D.	Društveni angažman	Pored humanog ljekarskog poziva kojem je posvetio svoj život ostaće upamćen i kao istaknuti intelektualac i pravi vjernik. U posebnom vremenu za općinu Tešanj pružio je značajan doprinos njenom očuvanju.
E.	Razlozi za dodjelu priznanja	Muhamed Članjak je u presudnim momentima za Općinu Tešanj i Bosnu i Hercegovinu bio aktivni sudionik vrlo značajnih procesa i događaja. Bio je na čelu općine i Ratnog Predsjedništva u vremenu proglašenja vanredne situacije, u vremenu prihvata ogromnog broja izbjeglih i prognanih stanovnika susjednih općina, u vremenu formiranja struktura i jedinica odbrane. Jedan je od mnogih ljudi u Tešnju koji su insistirali na dignitetu odbrane sa prostora općine Tešanj. Dao je veliko učešće u stvaranju preduslove za formiranje Ratne bolnice Tešanj, a što je rezultiralo i formiranjem Opće bolnice Tešanj.

PREDSJEDNIK KOMISIJE
Kotorić Kasim, dipl.ing.mašinstva